


羅平州鄉土志

40350.77
1539
024



光緒三十三年

仲夏月排印

羅平州鄉土志叙

今上御極之三十二年萬幾成理百度維新會學士黃公紹箕奏請編輯直省各府廳州縣鄉土志以爲初等小學堂授課之資並撰定例目得

旨俞允傳檄到州適余忝任斯土與有責焉乃集邑紳參考舊志增輯後來事實逾年書成該紳等復請弁諸簡端昭示來茲夫志者史之分見者也叙事貴乎簡明論古貴乎考据衡人取其切當誌物取其周詳又必灼知往古治亂之機洞悉方今事物之理自非如椽巨筆逞敢率爾操觚也羅平古夜郎部漢初即見於史傳然僻在西南聲教未訖歷晉唐宋元

羈縻焉耳有明始隸版圖改土歸流而州名以始但草昧初開諸事簡畧歷任賢刺史廣招徠興建置培風氣闢荒蕪聲明文物次第改觀蔚然爲完全之州焉然而刀耕火耨地瘠民貧雖流寓接踵而人無恒產土鮮通籍撫綏誠不易也余自甲辰夏來牧是州見野有曠土鄉有游民橫經之士習於故常負耒之氓不思進步喟然者久之遂奉大府檄飭興設學堂開通風氣講求種植廣闢利源復於州屬之當興者興之當革者革之凡維新之政所宜舉者無不殫心籌畫俾風行而草偃也去秋奉檄纂修斯志居今稽古增見廣聞考舊志修於康熙五十七年及今垂二百年矣其間世事之變遷

風俗之移易人才之盛衰撫字之勤勞以及名儒碩彥可以爲鏡之法者宜採錄以示勸也物產製造可以利世之用者宜探訪而濫遺也山川之險阻道路之紆徐爲兵學家所宜講求者宜書其實而不厭其詳也至於紀戶口則知生息之繁衍志宗教則知習尚之殊途我中國統名黃種人類極多若者聞風向化若者桀驁難馴羅邑邊地漢夷雜處嗜欲既異言語不同宜詳志其處所也他如志六行以風世志四業以安民山田既墾而水利可興也工藝既精而商務可振也余於斯殊有難焉於是囑州紳羅梧岡孝廉爲之纂修公餘之暇多所參酌或因之或損益之以求合於志例惟地本偏

僻紀載其鮮明知不免譏陋之譏亦不過就羅言羅以芻蕘之言備輜軒之探而已自今以往竊冀新政逐漸推廣屬在齊民皆興起而各擅專長焉則所謂古塔敝納彝甸者未始不可更進於文明之域也爰序之編次

光緒丙午季夏知羅平州事 中州陶大濬撰

校	校	繕	採	採	纂	督	同	同	監
對	對	本	訪	訪	修	梓	監	監	修
附	廩	廩	歲	歲	辛	官	修	修	官
生	生	生	貢	貢	丑	羅	官	官	羅
					科	平	羅	羅	平
					舉	州	平	平	州
					人	吏	州	州	學
						目	訓	訓	正
							導	導	張
									舜
									鏞
									青
									廉
									章
									齡
									瑞
									林
									富
									材
									材

羅平州鄉土志

一冊

三

雲南銅印局刷印



羅平州志序

當今



聖天子撫馭寰區規天矩地凡隸我版圖者雖邊裔荒甸罔不布政頒常沐浴

聖化七十餘年以來士食舊德農服先疇彬彬乎治稱極盛矣羅平古稱夜郎部也元初內附置羅雄州明萬曆十四年背叛撫鎮請於朝討平之因建城於白鐵山之麓更名羅平其地崇崗峭崿鳥道羊腸彝種不一居民鮮少數十年來凡我滇南都都相望邑邑相屬日近繁昌四方販負者烏集鱗萃而羅平為最著其人民風俗山川土田舊無州乘可考黃牧

羅平州鄉土志

一册

四

雲南鉛印局刷印

以山左雄才文學政事灼然可觀其牧是邦也孳孳於善廣詢博訪輯而成帙將付諸剞劂問序於余余嘉其能留心民瘼非俗吏可比既庶而富既富而教是所望於賢有司也是為序

康熙五十七年歲次戊戌雲貴總督蔣陳錫兩亭撰

序

古之有史也猶天之有日月也天得日月以照萬有人得史以鑑古今甚矣史冊之要也滇自兵燹以後郡州縣志十存二三雖守土者各採輯續成然存疑存信終難免夏五三豕之訛余於羅平志有取焉孔子曰吾猶及史之闕文也又曰辭達而已矣子輿氏亦有盡信書則不如無書之語是知古之殘編斷簡不可憑今之裨官野史不足據要惟存其是而已羅平舊爲羅雄郡萬曆間始入版圖歷年不滿二百又經補鮮李任吳逆之亂人民播徙圖籍蕩然文獻無足徵信司修志之任者較他邑似爲更難丙午冬黃牧蒞任余固知其

羅平州鄉土志

一

五


雲南錦屏山房印

才其學實克辦此因其來謁首諭之曰州志大事也今以屬子子其力勉之黃牧唯唯而退乃未及匝歲遂告厥成觀其擇立公所示無私也延訪紳士廣見聞也兼諮司鐸質疑信也序事不尚詞藻存其真以去贗也一州志而數善得焉宜其成之速紀之詳也余自奉

命撫滇來南思欲興利除弊息境安民因博攷三迤山川險隘風土人物然稽覽之下輒往往有不純不備之感今幸羅平一志編輯成書紀載歷歷如指掌上可以備

國家輶軒之採下可以供南滇通志之藉黃牧之功不可沒也後之人倘更搜尋碑碣廣集故老之傳聞以補其不足安在

不可與日月爭光哉是爲序
康熙五十六年歲次丁酉雲南巡撫襄平甘國璧題



羅平州鄉土志

一册

六

雲南銘印局刷印

序

自典謨著而史之源開列國沿之各有史官以掌記時事後世國廢而爲邑史遂流而爲志志卽史之分見者也羅平古梁州地其在三代渺矣自漢通使西南平苴蘭立牂牁郡置宛溫縣卽其地也厥後爲諸彝所據號羅雄部叛服不常歷晉唐宋元羈縻而已明洪武定雲南始改州萬曆時始改羅平焉然其時瘡痍未復教化未敷民多獷悍不馴至我

朝定鼎以來漸仁摩義俗易風移文物聲明有爛然可觀者而州乘尙乏成書其何以表彰往古昭示來茲光制作而稱邦治乎丙申都昌黃子來牧是邦補偏剔弊百廢具興而因念

州志之曷可弗備也於是求故籍採羣言數閱月而書告成屬予序之且夫志之難也簡則畧博則蕪徇情則美刺失真勦說則名實不富乃茲之集衆說以纂修出鉅識以獨斷始自沿革終於藝文綱舉目張詳畧得體既典既核不泛不誣披覽之下羅邑之土地山川釐然若足履也人民物產洞然若目覩也戶口賦役瞭然若屈指而數也形勢險阻興亡遺跡官之政治民之風尙曉然若繪圖而獻招父老而來告也其間碩德鴻儒文章節義莫不昭若日星使夫後之人觀而感聞而慕奮然興起有頑廉懦立之概蓋纂輯之功偉矣他日者轄軒輿風齋之史館彙以成編於以光制作而稱邦治

其有藉於斯乎其有藉於斯乎予固知黃子之賢且能而樂
觀其志之成也是爲序

康熙五十六年菊月雲南糧儲道張士伋撰



羅平州鄉土志

一册

八

雲南鉛印局刷印

叙

自丘索著以象風氣名土物厥傳久矣地之有志猶國之有史天下之至遠且僻者亦羣而不殺外史所掌職方所司都鄙里黨之盛衰與夫民生之憂樂關焉顧不重哉羅平滇之巖邑也界黔粵之交偏疆鹵壤堞風藹露蠻彝雜處其間迨明萬曆十六年設流改治始非龍施阿邦馬蚌古障之舊然版圖載籍尙多缺然凡制度名物人材俗習工作之事幾於前無紀而後無據荒畧弗可考觀者浩嘆志之不可以已也非良司牧之責歟都昌黃君蒞是邦承

臺司意指搜輯故聞參校殘帙作爲圖志凡例卷次秩秩井

羅平州鄉土志

一册

九

法南館印

井洵有可觀足以備輶軒之採矣余聞爲政必準諸古而因革損益則惟其時若教令若戶口賦稅賢者不徒取辦於簿書鉛槧間而典章文獻之所係又必有在此因革損益紀載賴有完書也自我

皇上蕩平藩逆以來迤東西皆樂土民生不見兵革者幾四十年而封疆元老又日喚咻而衽席之無論人士以養以教卽荒崖幽菁彫題漆齒者莫不蒸蒸丕變力耕種敦詩書風化之盛物類之洽前古未有况羅平地邇省會尤非海隅日出之可比也耶先王之治兼尙文質故有書契墳典以道政事而實以名存今羅平之志志其實也而風化之盛物類之洽披

卷如列目前大異乎昔時之儂陋而無文者名之所垂將永久而勿墜則於文質之治庶其兩無憾矣夫

康熙歲次丁酉署曲靖府知府大理府通判遼海斬治邠叙



序

書曰申畫郊圻慎固封守記曰一道德以同風俗故周禮有小史外史以掌四方邦國之志凡以示治也我

朝自一統志成滇雖僻處荒服自省會以及郡邑無不備登紀載余自辛卯佐郡臨隅竊見彝獫咸安耕鑿椎魯盡化詩書益信治化之隆無遠弗届今年春又以奉

簡命除守茲土愧以甫經蒞任百廢未舉每期與牧宰諸君殫精圖治庶以無鰥厥職適羅平黃君以州志告成付梓屬余叙諸簡首夫探風謠以貢輶軒太史事也考方輿以稽輿替賢有司責也羅平於漢爲宛溫縣地雖羅雄之名見於滇畧

羅平州鄉土志

一

十一

雲南銀印局刷印

龍少之叛詳於元紀然自晉滯及唐宋間叛據靡常率皆爲蠻酋所部屬至明萬曆改土歸流始以羅平名州其先固蠻地也夫地近蠻則所傳多荒畧弗可深考志虞其寡寡則易誕誕則易誣誣則易穢何志焉黃君以卓犖才邑楚有循聲經大吏計薦之

天子特簡是州其所以理煩劇備屏藩嚴保障敷慈惠恢恢如也况今

天子聲教四訖治化之盛爲古未有州之中民則秉耒士則橫經禮讓翕然文風蔚起直從蠻煙瘴嶺中另闢有堯天舜日更且握以重師密以防衛如嶽鎮山屹如星羅碁布其所以揆

文奮武羅豈猶是前盤瓠之遺哉黃君於觀天察地闡幽發
微俾興廢沿革瞭如指掌且於官師則循吏醇儒甘棠可愛
而鐸響常新也於人物則偉抱貞操層霄棟木疾風勁草也
於忠孝節義則雖愚不泯歷久彌彰遺芳可臭幽光可燭也
上以之紀災祥則驗下以之較并賦則均中以之範風化則
正而不詭以茲爲志志也而史矣古所稱畫郊圻而慎封守
一道德以同風俗均視乎此傳曰君子務其遠者大者黃君
有焉余固樂爲黃君叙且願與諸君子共勉焉以仰佐
國家久道化成之治於萬一云

康熙五十七年歲次戊戌知曲靖府事長白王璠序

序

集州邑志而成郡志集郡志而成省志則郡志應詳於省志州邑志應詳於郡志也天下之平久矣滇省郡志之不修者強半而州邑之有志者且寥寥也何哉以其爲志之難也即如羅平一州僻居曲郡東南隅崇山峻嶺漢彝雜處師旅駐鎮官其地者慮漢彝之情莫調兵民之所莫得雖欲從事於志而不暇及也則經始難自明中葉始改土設流從前事蹟故老遺編零落殆盡則採葺難一事所見異詞所聞異詞一地而訛舛相仍抵牾互見則考訂難乃州牧黃君則若有無難者蓋以肆應之才當繁劇之任凡所設施卓有可觀故牧

羅不期年野無荒土士奮於學彝俗漸染華風且出其餘力州乘一編卽告成也今取而覽之城池宮室山川名勝賦役戶口物產人文忠孝節義諸大端雖闕疑傳信去俚存雅不無待於潤飾而已班班可攷較曲之屬邑諸誌爲獨詳矣後之驗民風以施政教者一按圖經安危險易奢儉豐耗之故森然在目於以體國經野不大有裨於治道乎雖然黃君於羅雄其治績固見一斑矣然作於前者要必善於後抑思若者之利曾盡興乎若者之弊曾盡革乎務作育教養孜孜不倦將見生齒日繁人文蔚起民心愈正風俗益反樸還醇隱然成滇南無形之金湯以之佐昇平而報政於邛隆之世也

余於此有深望焉若謂網羅舊聞以待當事者之諮詢以備
郡乘之採擇僅使一州紀載無闕略不詳之憾而雅化未底
於成也則豈

國家作志之意哉是爲序

康熙戊戌知曲靖府事楚陽李炳石撰



序

粵稽羅平乃故明萬曆時始隸版圖也曰州曰所初不過羈縻焉耳迨後流寓接踵人文蔚起至我

朝定鼎四彝賓服非復昔比而羅始爲興古名區雖遭兵燹而安堵如故此皆沐浴

聖化漸仁摩義所致也溯自辛酉以後移鎮駐協流寓世族日進繁昌而彝俗陋習漸登文明闢土拓荒赤崖幾成菑畚義方董率菁莪蔚煥英華乃蒙

聖天子敕頒

上諭十六條以訓誡夫士民又於州庠優叙廣額雲蒸霞蔚寢

羅平州鄉土志

一册

十五

雲南鉛印局刷印

有騰蛟起鳳之致今民彝相半耕讀交資匪特民風邁卓即猥彝亦雅慕詩書如正供不煩差索而踴躍先輸如講約欽

聖訓而鼓舞益力昔之椎髻者皆漸易衣冠矣昔之缺舌者皆並通漢語矣婦女識閨門之教孩提泯爭鬪之風不幾共樂時雍聿彰於變何必分漢分彝爲之區別也頃膠庠益盛比戶絃歌固知明珠大貝非僅產於江漢之區而移風易俗詎一朝夕所倖而致也德異於丙申夏欽蒙

特簡來牧是邦歲之冬月抵任檢閱民賦丁戶舊有抄輯州乘約誌大概然未剗闕烏足取徵竊矢之於心尙愧未遑丁酉